

COGITATIONES NONNULLÆ,
DE
AQUA
MAGNALIUM
DIVINORUM
PRÆCONE,

QUAS,

Ex consensu Ampliss. Philosoph. Collegii Auraici,
PRÆSIDE

DN. JACOBO
GADOLIN,

Scient. Natur. PROFESSORE Ord. OBSERVAT. Astro-
nom. Reg. PASTORE Eccl. Aboëns. Fennicæ, nec non
Reg. Acad. Svec. Scient. MEMBRO,

PRO LAUREA MAGISTERII,
Publice examinandas sistere constituit

STIPENDIARIUS REGIUS

MATTHIAS RENNERUS,

ABOÆ FENNO.

Ad diem XIX. Maji, Anni MDCCCLIII.

L. H. Q. S.

ABOÆ, Impressit Direct. & Typogr. Reg. Magn. Duc.
Finland. JACOB MERCKELL.

SACRÆ REGIÆ MAJ:TIS
MAXIMÆ FIDEI VIRO,
REVERENDISSIMO PAIRI ac DOMINO,
DN. JOHANNI
BROWALLIO,
S. S. Theologiæ DOCTORI
Celeberrimo,
Inclitæ Dioeceseos Aboënsis EPISCOPO
Consummatissimo,
Regiæ ibidem Academiæ PRO-CANCELLARIO
Eminentissimo,
Venerandi Consistorii Ecclesiastici PRÆSIDI
Gravissimo,
Scholarum per Dioecesin EPHORO
Adcuratissimo,
Regiæ Scientiarum Academiæ Svecanæ MEMBRO
Dignissimo,
MÆCENATI SUMMO.

Quas in TE, MÆCENAS, admirantur mortalium
quotquot TE norint perfectiones, quæ per easdem
TIBI obtigerit dignitas, & qua in eadem polles aucto-
ritas

ritas cum gloria meritorum de utraque Republica atque
Ecclesia immortali connexa, ea omnia talia sunt, qua-
lia obstat quidem videbantur, quo minus specimen hoc
incomita Minerva elaboratum **TANTO NOMINI** inscri-
bere auderemus. Ast fuere tamen ea, quæ ut hoc ipsum co-
naremur persuaderunt. Cum enim opellæ huic omni orna-
tu, præter eum, quem suppeditat materiæ nobilitas, desti-
tutæ aliunde elegantiam conciliare constitueremus, scopum
obtinere nosmet facilius non posse satis superque vidimus,
quam si ex radiis, quos quaquaversum, Solis instar in Cœlo
nostro litterario spargit **NOMEN TUUM REVERENDISSIMUM**, colores quereremus. Patiare igitur, REVE-
RENDISSIME PRÆSUL, ut prærogativa hacce utamur;
patiare, ut opusculum hoc, ceu indubium venerationis debitæ
pignus, TIBI offeramus; TIBI, de Quo modernus orbis lit-
terarius sibi in finu gratulatur, & Cujus memoriam vene-
bitur posteritas omnis; TIBI, qui delictum indigenarum &
desiderium exterorum existis; TIBI denique, Cui ut vitam
quam diutissime concedat vite omnis Auctor, eandemque
cum omnigena felicitate conjunctam, una nobiscum optant,
exoptant, quotquot salutem patriæ, eruditionem atque æ-
dificationem Ecclesiæ vere amant! Patiare tandem, ut fa-
vori TUO nosmet, qua par est devotione, commendemus.
Hæc si evenerint: nunquam deerit materia celebrandæ
gratiae TUÆ

REVERENDISSIMI NOMINIS TUI

cultori devotissimo,
MATTHIAE RENNERO.

à MADAME
BARBE CATHERINE
LAGERBORG.
MADAME.

Il y a peu de personnes, à orner que de telle sorte, que Vous, la Nature & la Fortune se soyent accordé; Mais il y en a encore moins, qui ayent pu avec un talent semblable au Vôtre cultiver les dons de la première, & se servir avec autant de sagesse & de prudence des avantages de la seconde. Tout le monde convient avec moi, que Vous êtes l'ornement de Votre très digne Sexe, la joie de Votre illustre Famille, & un flambeau, qui par l'éclat de sa lumiere émoussé la vûe tranchante de l'envie même, qu'elle est contrainte de s'attacher à Vos perfections & d'avouer malgré elle, que Votre Esprit est joint à la Vertu. Pardonnez, MADAME, je Vous en supplie, la faute que je viens de faire ayant pris la hardiesse de renfermer Vos louanges dans des bords aussi étroits, que le sont ceux de mon oraison présente; permettez que le dessein, que j'ai eu d'embellir ce petit ouvrage de la clarté de Votre Nom, supplée au défaut de mon expression. Vous daignez aussi, MADAME, me permettre, que le même soit un témoignage de la vénération profonde, avec laquelle j'ai l'honneur d'être,

MADAME,

Votre très humble & très obéissant serviteur,
MATTHIAS RENNERUS.

VIRO Amplissimo atque Celeberrimo,

DN. PETRO KALM,

Oeconomiae PROFESSORI Reg. & Ord. Reg. Societatis
Literariæ Holm. Membro Sat Inclito, Facult. Philos.
h. t. Decano Maxime Spectabili.

VIRO Consultissimo atque Spectatissimo,

DN. DIET. ADRIANO BÖISMAN,

ADVOCATIO Filci in Reg. Dicast. Aboëni. Dexterrimo.

VIRO Consultissimo atque Spectatissimo,

DN. CAROLO GUST. FLEGE,

*SECRETARIO Supremi Reg. Dicasterii Magni Ducatus
Finlandiæ Adcuratissimo.*

VIRO Consultissimo atque Spectatissimo,

DN. JOHANNI IGNATIO,

PRÆFECTO Territorii Australis in Ostrob. Integerrimo:

PATRONO & FAUTORIBUS ætatem devenerandis.

TI BI VIR. CELEBERRIME. Cui. Tot. Erectæ. Hodie-
num. Conspiciuntur. Et. In. Seram. Posteritatem. Reno-
vate. Persistent. Statua. Eademque. Vipe. Quot. Sunt. Plante.
Abs. Te. In. Veteri. Et. Novo. Orbe. Detectæ. Collectæ. Et. In.
PATRIAM. Non. Sine. Insigni. Ejus. Commodo. Allata. TIBI.
Et. VOBIS. FAUTORES. Propensissimi. Sacrata. Post. Deum.
Astræ. Et. Themidi. Pectora. Pagellas. Has. In. Signum. Venera-
bundi. Atque. Grati. Animi. Cum. Omnipotenti. Felicitatis. Voto.
Conjunctas. Sacras. Effe. Voluit. Qui. Erit. Semper.

NOMIN. VESTROR. AMPLISS. atq; SPECTATISSIM.

legibus et iuribus omnibus cultor humillimus,

Matthias Rennerus.

Wisdoms Gudinnornas Tal

Til

HERR AUCTOREN,

Då Han andra gången besökte dem i deras Tempel
vid AURA.

Wälkommen Du vår Wän,
Du *Aretophil*! Snälle!
Wälkommen en gång än,
På detta värda ställe!

Sen Du för någon tid
Dig lyster hos oss viste:
Ha vi med mycken id
De runor gömt Du riste.

Vi väntat äfven på,
Den dag skull' snart uprinna,
Då vi skull' nöjet få
At åter Dig här finna.


Nu äst Du kommen gen,
Hur skole vi Dig löna,
För vett och dygden ren?
Jo, hålt! vi ska Dig kröna.

Komm Systrar, lät oss då,
I lunden gå at binda
Den Lagerkrants, vi på
Hans Hiesla skole linda!

Afhördt och Herr AUCTOREN til nöje uprepadt
af en,

Som af samma Gudinnor äfven blifvit bevärdigad

Med Lager.



Q. B. V!

Proœmium.



Ommunem quisquis vel tantilum consideraverit mortalium vitam, & simul adcurata judicii lance penfitaverit finem creationis eorundem, non satis mirari poterit, quam sint plerique in iis stupidi, quam legnes, quæ maxime ad hunc conlequendum conferant. Est hic gloria Summi Numinis cum felicitate eorum, ceu rationalium, conjuncta. Ubi idem obtinendus, non otiosis nobis esse licet rerum spectatoribus; nec abstractionum tricis adeo inhærendam, quasi in iisdem sumnum constitutum esset bonum, summa felicitas posita; quin potius assiduo evolvendus, legendus, relegendus Magnus Ille Liber Naturæ. Quot enim hic sunt literæ, syllabæ, voces, sententiæ, hoc est, quot

A

dantur

dantur in universo guttulae aquae, corpuscula aë-
rea, particulæ igneæ, pulvisciuli terrei; quot gra-
nula arenæ, quot lapides, saxa, colles, montes;
quot frustula lalium, sulphurum, metallorum, fos-
silium; quot semina vegetabilium, quot radices,
trunci, folia, fulcra, quot calyces, corollæ, peta-
la, limbi, tubi, stamina, pistilla, flores & fructus,
quot horum omnium, qua figuram, colorem, o-
dorem, saporem & cetera, diversitates; quot in-
sectorum, vermium, amphibiorum, piscium, avi-
um, quadrepedum genera, quot generum singu-
la, quot horum motus & effectus, quot eorundem
corporis partes, fluidæ, solidæ, quot denique par-
tium vaſa, maxima, minima, sunt autem hæc mul-
ta, immo plane innumera; quot, inquam, hæc o-
mnia sunt, tot sunt Conditoris Summæ Sapientiæ,
Potentiæ & Bonitatis testimonia certissima, eviden-
tissima; tot gloriae Ipsiſ decantatores muti licet,
maxime tamen loquaces; tot denique motiva ra-
tionalibus ad felicitatem, idem cum his faciendo,
penes Iplum quærendam, modo tamen, quo eos,
ceu ſupra horum conditionem elevatos, decet, il-
luftriori. Has autem repræſentationes tanto magis
ſibi ſequendas eſſe intelligent, quanto certius nove-
rint, modo noſſe & agnoscere voluerint, enumera-
rata iſta, ceu ulterioris alicujus perfectionis inca-
pacia, ſi non omnia, ſaltim pleraque, propter ſe,
e ſtatu poſſibilitatis in ſtatum actualitatis a Summo
rerum Principio eſſe producta. Varia hæc & ce-
tera

tera longe plurima in natura occurrentia opera divina, maxima, stupenda esse agnoscunt quotquot mentis vere sanæ compotes fuerint. Relative tamen si considerentur, cum omnia nec simul, nec successive, ab intellectu finito concipi, nedum comprehendendi queant, unum præ altero, quod penitiori subjiciatur attentioni, videtur dignum. Requiri autem ad attentam hujusmodi considerationem inter cetera finium investigationem facile quisque videt. Commendat se nobis, quod ad prælens, aquæ consideratio, in quantum usus ejus ceu totidem a Summo rerum Statore intenti fines, infinitam ipsius evincunt Sapientiam, Potentiam atque Bonitatem. Non, quod rem hanc sat arduam, ut decet, exponere nosmet posse nobis persuadeamus, sed ut paulo altius ad eam attendendo, ingratitudinis notam istam effugiamus, quam incurruunt mortaliū non pauci, qui quamvis quotidie aqua ipsis opus sit, eandem tamen, quia rara non est, in vīlissimis ponere solent. Quæ igitur Tua, Lector, est benignitas, spero fore, ut conatui huic mitiori addas limam.

§. I.

Varias varii, per ætates diversas, de aqua fove-
runt lententias; quæ tamen, quod ad antiquiorum plerosque attinet, tantis involutæ sunt tenebris, ut quid dixerint ipsi nescivisse videantur. Constituit

tuit inter Græcos Thales Milesius aquam elementum quoddam universale. Quartum inter elementa sua eidem tribuit locum Empedocles. Secuti sunt hunc ipsum plurimi. Aliis aliæ placuere opiniones. Quam autem tuitus est sententiam supra nominatus Thales, eandem recoxere Philosophi Molæici, argumentis, ut credebant, bene multis instructi. Novo vero experimentorum apparatu nuper, qua partem, his accessit Ellerus. Hic aquam rerum omnium corporearum principium passivum esse probandum sibi sumvit. Utrum vero res acuta facta fuerit, an minus, aliorum esto judicium. Nos interim, quin aqua inter elementa, cum hæc naturalibus contradistincti, referri queat, dubitamus nulli.

§. II.

NEminem quum sic ignorare posse existimaverimus, quid hic per aquam sit intelligendum; ulteriore ejus descriptionem brevitati litantes præterimus, & propius ad propositum accedimus. Occurrit vero nobis in limine, quæ particulis aquæ minimis data est *figural*. Non eodem modo in omnium cerebro hanc depictam fuisse, qui vel primis, ut dici solet, labris scientiam naturalem delibaverit, novit. Cum enim evidens sit, motum particularum aquearum, ceteris paribus, sic vel alter determinari pro ratione diversarum figurarum,

quas

quas ipsis tribuerit manus Creatrix: hinc factum est, ut alii sphæricas, alii longas, lœves, lubricas anguillarum parvularum instar, alii alias figuræ ad explicanda aquæ phænomena & effectus aptas esse contenderint. De re hac decidenda nos eo minus solliciti, quo certius inter mysteria naturæ eandem referendam esse nobis perlyatum est, contenti interim, quæcunque possibilium his concessa fuerit figura, quatenus fini intento obtinendo sufficit, testem eandem Divinæ Sapientiæ, Potentiæ atque Bonitatis esse infallibilem. Quid? quod impossibilitas, quam adfectatam, sine injuria in tot magni nominis viros, qui in re hac enucleanda desudarint, vix dixeris, impossibilitas, inquam, vel, sis, difficultas in nodo hoc solvendo obvia ad oculum ostendat, vestigia Entis Infiniti hic latere.

§. III.

UT occultis naturæ, quam supra nominavimus partium aquæ minimarum figuram annumeremus, ivadet earundem *subtilitas*. Quæ omnino tanta, ut non in admirationem solum, verum stuporem etiam rapiat quemvis, cui consideratio ejusdem in deliciis fuerit. Contendit Nieuwentyt 13. millia particularum aquearum in apice aciculæ locum habere. Ast si fundamenti loco sumatur calculus Lovenhœkianus circa subtilitatem animalculorum in aqua pipere mixta ope microscopii observatorum institutus,

stitutus, in subtilitate aquæ inquirenda, sequitur in guttula aquæ granuli arenæ, cujus diameter $\frac{1}{100}$ est digiti, magnitudine reperiri 2. billiones particula- rum, quæ visum vel optime armatum togunt. Hem, quam perita manus Conditrix!

§. IV.

PRæbet se dein nobis considerandam aquæ fluiditas. Hæc est, quæ facit, ut crescant lapides; hæc est, cui ortum, suo modo, debent talia, sulphura, metalla, fossilia; hæc est, quæ vitam plantarum sustinet; hæc denique animalia, rationalia cum irrationalibus, qua magnam partem, quoad esse & bene esse ingreditur. Multa hæc sunt, eademque longe maxima. Habet vero proprietas hæc commoda plura sequacia. Ostendit extensum illud non vacuum esse, sed variis, licet ræpe apparenter contrariis, ad unum tamen conspirantibns repletum; vinculum consanguinitatis rationalium communis pandit, necit, confirmat; defectum aliorum abundantia ceterorum compensat; Mercurii totius orbis vicem gerit, & quæ in angulo ejusdem uno acciderint, quæ detecta fuerint, cum altero communicat, adeoque rationalibus quaquaversum in dies motiva subministrat nova, quibus excitentur necesse est ad celebrandam Summam illam Sapientiam, quæ medio uno tot intendit fines, fines tam proficuos, ultimo omnes subordinatos via brevissima, facilissima, Potentiam,

tentiam, quæ hos omnes in se possibiles aquales reddere valuit, Bonitatem, quæ voluit.

§. V.

Excipit humiditas. Proprietas, qua aqua facta est idonea, quæ corporibus adhæreat. Hæc si ab esset, ut cetera prætereamus, corpora nostra aqua-lore & sordibus obruerentur, obruta obstruerentur, obstructa destruerentur. Periret decor omnis in munditie vestium positus; ignotæ essent tintæ variæ; cessarent artes manuariæ non paucæ; tolle-rentur multa alia instituta œconomicæ; deficeret sic lucrum privatum, minueretur commodum publicum. Quis est igitur, qui, nisi luce meridiana œ- cutire voluerit, non videat in humore etiam aquæ tanquam speculo Sapientiam Altissimi cum Potentia atque Bonitate conjunctam?

§. VI

Adest gravitas, quæ sive deorum, sive sursum, sive latera versus vim suam exterens concipiatur, semper Auctoris perfectionum apud pium scrutato-rem excitat admirationem, tanto majorem, quanto constantius eadem leges statas servat. Efficit hæc, ut in auras non abeat omnis aqua, adeoque exsiccatur Oceanus; efficit, ut moæ & officinæ variæ sint utiliores; item, ut onera ferre queat aqua. Ef-ficit

ficit denique, ut intra limites maneat. Nisi enim leges has gravitatis condidisset Summus Legislator, & singulis guttularum aquearum perpetuam his obtemperandi obligationem imposuitset, momento quo vis consideratu esset opus, qua facillima ratione, ad evitanda inundationis incommoda, instituenda essent vel versus montium juga itinera, vel etiam loca maxime depressa. Quæ, quæso, obstacula, quæ impedimenta dari existimaveris, quibus violentia aquarum retorqueri posset, præter eam, quam innuimus gravitatem? consulas experientiam velimus, & docebit, minores aquarum collectiones, cum vis aliqua vehementior æquilibrium gravitatis turbaverit, pressione sua propugnacula destruxisse sat multa.

§. VII.

Proximum a gravitate locum jure affinitatis sibi vendicare videtur, quæ aquam agitat, *vis ascendendi*. Circa causas phænomeni hujus in varia abierunt naturæ scrutatores. Quænam vero opinionum hucusque cognitarum maxima superbiat probabilitate, dijudicent alii. Sufficit nobis observasse, magnalia Dei manifesta esse in eo, quod *ascendat aqua*, atque sic aëris siccitatem, frigus, & calorem solis pro situ locorum temperet, & ventos sæpe excitet, qui atmospharam in enitendo fœtu ex variis perniciosis exhalationibus concepto sublevant, adiuvant; quod *ad tantam altitudinem ascendat*, ut nebulis perpe;

perpetuis obruti luce ne privemur, & variis expositi simus morbis; quod tanta ascendat copia, quanta requiritur, si intra metam subsistere debeat superficies aquæ; quod denique *ascensum in infinitum non continuet*. Quemadmodum vero aqua *ascendens* nobis dux est in itinere patriam verlus instituendo, in quantum occasionem nobis suppeditat cogitationes elevandi, Eumque, cuius nutu eadem ascendit suspiciendi, venerandi, ita neque partibus hisce suis deest, dum nubibus involuta in aëre pendula manet. Secuti aquam sub ascenlum, socii ejus, in aëre dum mansit, eandem neque *descendentem* deseremus, quo liceat ulterius experiri, quid in finum ejus depromserit Monarcha ille Universalis, qui eam, cum pluribus, perfectio-
num suarum præconem constituere dignatus est. De-
scendit vero aqua *non continuo*, sed tempore opportuno;
non violenter (nisi raro), sed *sensim*; *non in aridam so-
lum*, nam obrueretur sic aqua; *nec in partem tantum
aqueam*, morerentur enim tum, quotquot hodienum Jovem supplices pluviam rogant; nudæ persisterent,
quæ coronas telluris agunt, insulæ; inutilis reddere-
tur continens fere omnis. En providam Summi
Sospitatoris curam!

§. VIII.

EX itinere sat longo reversos in considerationem sui nos, haud tamen invitatos, rapit insignis illa *vis attractiva*, quæ facit, ut particulæ aqueæ mille-
fariam dispersæ sibi semper invicem immineant &
cohærentiam servent, & absque qua vix ac ne vix
quidem ea, qua datur, daretur hodie copia. Utrum
eadem, quæ circa primam creationem adfuit, et-

iamnum adsit aquæ quantitas, an vero sensim & quidem in data quadam proportione temporis, immunita fuerit, celebris hoc tempore est controversia, quam nostram facere eo minus consultum judicamus, quo certius nobis est persvalum, prolixiori omnino opus esse indagine, si omnia ista, quæ ab utraque parte hucusque prolata fuerint, rite examinari, atque res ipsa ad liquidum perfecte deduci debeat. Satis, quod tantum aquæ suppetat, quantum ad usus universi omnes requiritur. Abunde enim hinc elucet copiola, immo itmena Creatoris Sapientia, Potentia atque Bonitas.

§. IX.

A Quarum quo minus obrueremur copia, & variis earundem anfractibus involveremur, obstitit quæ iis contigerit pelluciditas. Ingrati igitur, si eandem sicco transiremus pede. Tanto magis, quanto clarius per eam radii Sapientiæ, Potentiæ atque Bonitatis Divinæ oculos afficiunt nostros. Proprietatem huic contrariam si possideret aqua, non videbant incolæ ejus, quo motus ipsorum esset dirigen-
dus, adeoque de vita eorum actum esset, idque tripli in primis ratione; vel quia escam querere non possebant; vel unus alteri inopinato obviam veniret, atque sic Andabatarum more pugnantes, qui ceteris magis deprehenderentur inermes citius etiam perirent; vel denique per insidias hominum, qui luci privati, præ commodo universi generis humani, amici nullum non moverent lapidem, ut suis, sine reflexione futuri, quamprimum satis fieret desideriis. Multæ præterea, quibus hodie superbit omnis fere terra

terra, ope urinatorum, divitiæ tum abessent, ornamenti multa.

§. X.

Est aqua sœpe adeo lucida, ut eandem ignem esse crederes, est tamen ignis domina, *ignem* nempe *extinguit*. Repleta est universa fere natura materia ignea; excitari potest ignis immediate a sole, vel etiam ex corporibus aliis pluribus, mediante frictione, fermentatione & putrefactione; datur abunde alimentum ignis; ubique enim *aér*, ubique aliquid oleosi. Vi hac si jam orbata esset aqua, in maxima liquorum ceterorum copia semper ignis omnia perdituri minis essemus expositi, immo ruinæ, citius, serius obnoxii. Peculiarem omnino veneramur Summi Numinis curam circa moderationem virium illarum contrariarum, quibus aqua & ignis inter se quasi pugnant. In toto enim orbe vix ullus reperi poterit locus, in quo non detur quidquam humidi aquei, quo ipso tamen ignis accendens in incunabulis suis ubique non suffocatur; immo notum est dari quoque ignes, quorum furem, aqua, quaunque copia affundatur, neutiquam reprimere aut sedare valet. O quanta igitur est Sapientia illa, Potentia atque Bonitas, qua omnia in magna hac rerum finitarum serie ita constituta sunt, ut creaturarum nulla subordinationis debitæ immemor in ceteras universalem exercere audeat aut queat tyrannidem!

§. XI.

Nec minimum momenti trahit ea, quæ aquæ indita est *vis solvendi*. Hinc varii ejusdem odo-

res, sapores, colores, adeoque pluviæ etiam istæ mirabiles tantum non omnes, de quibus in historiis a multis multa dicta esse novimus; hinc diversi etiam effectus aquarum fontanarum, in quibus cum therme, tum *acidula*. Exponere quæ has ingrediuntur heterogenea, nostrarum in præsenti non est partium. Erit vero instituto atque scopo nostro magis conveniens observare, miseris, sæpe sua culpa talibus, in iisdem medicamina concessisse. Enim, qui Summa gaudet Sapientia, Potentia atq; Bonitate. Loquuntur hæc paralyticorum lecticæ, loquuntur claudorum baculi, loquuntur testimonia cetera in locis hujusmodi residua, in se licet muta. Tacendumne ergo iis, quibus loquela data est? Minime gentium. Adeste igitur cæci, claudi, paralytici; adeste hypochondriaci, scorbutici, febribus & vermibus gravati; adeste denique quotquot thermarum & acidularum usu sanitatem amissam aut recuperastis, aut recuperaturos vosmet speratis, & præsentes animo Magnalia Dei in aquis manifestata confideate, veneramini, prædicate, laudate, collaudate! Gratis hæc allata esse si quis sibi perivalerit, probet velimus, *casum*, quem colit, suum efficere potuisse, idque tam constanter, ut numerus fontium posteriorum tam multis superaret parasangis numerum venenatorū, cum tamen per vim aquæ solutivam æque esset possibile, ut hi multitudine superarent illos.

§. XII.

IN memoriam porro vel verbo revocanda est aquarum *divisione naturalis*. Est hæc lapienter admodum, potenter & benigne instituta, eo quod præter maria dentur

dentur fontes, fluvii, lacus; dentur proportionati.
Quid quælo prodesset, si in penuria aquæ dulcis vel
triplo majus esset mare? Siti enim pereundum esset
omni viventi. Quot regiones, quot urbes, quot ho-
minum & ceterorum viventium millia manerent in-
cognita? quot deliciarum generibus destituerentur
mortales, quot usibus œconomicis, si nulli darentur flu-
vii, lacus nulli? Ubi inter cetera tum Ægypti fertilitas?

§. XIII.

Observari tandem meretur *motus maris*. Duravit
hic per multa jam secula, nondum vis motrix
vi inertiae cessit. Caussam quis rite explicaverit?
Decet hic mutuari verba Dodarti, circa rem aliam li-
cet prolata: *Nihil ex hisce omnibus scio & potius admi-
rationi adquiesco circa phenomenon hoc singulare, quod con-
tinuo eodem modo contingit, quam ut cognitionem memet
possidere mihi persuadeam, quam tamen non possedeo. Fateor
me libenter nosse velle rei hujus caussas, interim tamen igno-
rantia hæc me delectat, quia commodo insigni mihi compen-
sat damnum, quod eo ipso patior, quod caussam naturalem
tamen admirandi efficius non intelligam. Nam facit ignorantia
hæc, ut Caussam aliquam Summam non palpem modo verum
videam etiam, Cujus Sapientia & Potentia non meas solum
cogitationes, verum omnium etiam hominum, quam penetrans
eunque ipsorum sit intellectus, infinite superat.* vid. Me-
moir. de l' Acad. Roi. des Scienc. 1700: Avertitur
per motum maris putredo, avertitur mors tantum
non omnis viventis. Quod efficere non valent motus
ceteri, per illum, qui fluxus & refluxus dici
solet, abunde compensatur. Per hunc vero, præter
dicta, pelagus dona varia mortalibus offert, quibus

excipi-

excitandi ad profitendam Domini maris Sapientiam,
Potentiam atque Bonitatem.

§. XIV.

Acedit motui *salsedo mari*, quæ, præterquam quod pugnare tredini itidem resistat & nautis faveat, in quantum gravitatem aquæ specificam auget, adeoque aquam oneribus gravioribus ferendis aptam reddit, & congelationem impedit, multiplicis est usus. Ut taceamus, plerosque incolarum maris, qui nunc magnam hanc aquarium collectionem habitaculum & promtuarium agnoscunt optimum, absente hac, non permanuros, œconomia hominum cum publicæ tum privatæ prodest maxime, id quod prolixius monstratu, per singula eundo, esset facillimum, nili supponendum esset omnibus notum. Quemadmodum vero Sapientia, Potentia atque Bonitas Divina exinde patet, quod salsedo mari sit concessa, quod ea proportione data, quæ pro longiori aut minori ab æquatore distantia ad finem intentum obtainendum requiritur; ita neque casu & fortuito accidisse, quis, nisi talpa cæcior, contenderit, ut per tot secula manserit, manserit copiosa, in numeri licet fluvii quotidie in Oceanum dulcem exonerent aquam, & immane quantum salis in hominum, animalium ceterorum ut & vegetabilium usus abeat.

§. XV.

Hactenus nobis fluxit aqua; prius vero, quam eandem hærere patiamur, vel verbo eam congelatam tangemus, movebimus. Caussas congelationis excutere prohibet instituti ratio. Satis erit nobis, quod in ipsa concrescendi habilitate, in diversis congelationis gradibus, & variis, qui inde propullulant, usibus Sapiens, Potens & Benigna Summi Artificis manus appareat. Aqua in vapores soluta & dein gelu conglutinata partim *nivis*, partim *grandinis* nomine venit. Utriusque usus multiplex. Impedit enim, quo minus frigus ad nimiam altitudinem terram penetret & transpirationem tollat, adeoque mortem vegetabilibus conciliet; efficit

cit ut calor subterraneus, qui per superficiem telluris transpirat, penitus ne avolet, verum radices plantarum calefaciat & succum nutritum in eo fluiditatis gradu retineat, quo sustentari possit plantarum vita; calore solis verno soluta terram reddit fertilem (cfr. pr. plur. Kryger. Th. Nat. P. 1.); varie præterea œconomia privatae infervit; defectum lucis reflexione radiorum ejusdem compensat; ut cetera omnittamus. Cum vero aqua frigore adeo solidescit, ut vitrea & fragilis reddatur, *glacies* nominatur. Vistum est seculo superiori phænomenon hocce regum Indiae Orientalis alicui adeo mirum atque insuetum, ut relationem de eodem Gallo-rum Missionariorum pro absurdita habuerit, immo absurdissima. Eveniret fortasse idem nobis, nisi rei veritatem docuisset multorum seculorum experientia. Quo vero magis admirandum hoc occurrit, eo etiam firmius Sapientia & Potentia Summa est documentum. Ast nec defuit hic Bonitas. Multiplici enim ratione hoc ipso consuluit civibus suis Summus Ille Monarcha. Ut nihil dicamus de iis, quæ voluptatem atque delectationem non minimam pariunt, qualia sunt vase, ædificia & quæ sunt reliqua ex glacie confecta, itinera per loca devia & alioquin vel prorsus non accessa, vel saltim difficulter talia, aut possibilia redduntur aut etiam faciliora. Cellæ glaciales præterea eæ sunt, quibus, æstu solis ingruente, non carnium modo genera quæcumque a putredine, verum liquores etiam varii potui destinati ab acore, libera servantur; quod quantum in re familiari habeat secum commodi, & quam sit sanitati proficuum, qui attente consideraverit, non potest non vestigia hæc Bonitatis debita exosculari veneratione.

§. XVI.

HÆc sunt, B L. quæ Te obliuisci noluimus. Fatemur respectu dicendorum admodum pauca esse hæc ipsa; interim tamen talia, qualia sufficere possunt ad nosmet imbecillitatis nostræ convincendos, & quæ caussam unicuique præbeant prægnantem exclamandi; O Domine, quis est, qui pos-

possit eloqui Magnalia Tua? Quam sunt Opera Tua magna & quam multa! Sapienter hæc omnia fecisti. Potentia Tua tanta est, ut Tibi nihil deesse possit, & Bonitas Tua manet in æternum. Tu es itaque dignus, qui accipias gloriam & honorem in secula nunquam terminanda (*Pf.* 106: 2, 104: 24. *Ef.* 40: 26, *Pf.* 107: 1, *Apoc.* 4: 11.).

Clarissime Domine CANDIDATE,
Studiorum nostrorum Moderator ingenue.

Varia sunt, immo innumera, quibus dum in theatro hocce universi constituti sumus, occupari poslit facultas, nostra cognoscitiva. Ad ea tamen, quæ propius ad scopum ultimum tendunt, præ ceteris, a nobis animum esse vertendum, negaverit facile nemo. In his primum non heri sibi vendicavit, locum, Scientia, quæ dici solet, Naturalis. Quemadmodum vero hæc, tota quanta, suo non destituitur elogio, ita singulari ratione se Philosopho Christiano commendare debere *partem* ejus illam, quæ circa rerum naturalium *fines* versatur, Præter plures, solidissime monstravis Anglorum, suo tempore, lumen *Boileus*. Elegisti, Vir Clarissime, materiem, cui attentionem, alterum ingenii specimen publice editurus, fixam voluisti, ex eadem hac Scientiæ Naturalis parte. Non enim Tibi satis fuit, ut eruditionem probatum fises; necessarium simul ostensu duxisti, esse eandem veram atque rectam, probe memor, quid dixerit, lib. II. de Augm. Scientiarum, *Verulamius*: *Si quis judicet doctrinam omnem referendam esse ad usum & actionem, ita recte sapit.* Quam autem primum propositum hocce Tuum intelleximus, non vulgaris nos cepit lertitia, Nostri hoc, vel nobis tacentibus, nisi amorem, quo Te, per aliquod temporis spatium jure omni amplexi fuerimus, imminutum censeas, quem tamen imminentum esse quare Tibi persuadeas, nullam speramus adesse rationem. Interim tamen requirit officii nostri ratio, ut eandem publice declareremus, Gratulamur itaque Tibi progressus in litteris ultra nostram dicendi copiam positos; gratulamur mores, quos non nemo in Te agnoscit honestos atque candidos; gratulamur denique laetiam capiti Tuo impendentem, & cum ea conjungendum honorem, quem ut Tibi jam dudum omninati sunt boni omnes, ita codeni ante hoc Te dignum Musæ judicarunt Auraicæ. De cetero quævis fausta Tibi appreciamur! & quam in nobis informandis exhibueris, & in posterum, volente Deo exhibiturus eris operam, modo, quo decet, mente felicitet ad cumbam usque volvemus, revolvemus gratissima.

CAROLUS & MICHAEL HISING,



Joh. Wilh. Filii.